



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XVII. Cùm adeò.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

CAPITVLVM XVII.

Cùm adeò.

PARAPHRASIS.

Petrus Clericus in Ecclesia Modicensi sufficientem sibi præbendam consecutus, postea impetravit à Papa literas, quibus eidem Canoniciatum in Ecclesia de Gronzola conferri iubebat. Eo intellecto, Archiepiscopus Mediolanensis scripsit ad Innocentium III. mirari se tale rescriptum à Sede Apostolica emanasse, &c. Respondet Papa, mirari eum non debuisse, cùm ex literarum tenore apparere potuerit, eas per subreptionem obtentas fuisse, quandoquidem de præbenda Petri, & quod Canonicus esset Modicensis, nulla in ijs mentio facta fuit, imò nec quod Clericus esset, insuper in literis Papalibus conditio adiecta erat, si ad ecclesiasticum Ecclesiae Gronzalensis beneficium dignus existeret.

SUMMARIUM.

1. *Habenti beneficium congrue sustentationi, pro qualitate persona sufficiens, non debet aliud conferri.*
2. *Omissio in rescripto alicuius, quod iuxta stylum & formam Curia Romane est necessario exprimendum, reddit illud obreptitum, & quidem ipso iure irritum.*
3. *In rescripto ad beneficium conferendum addi solet, vel subintelligitur conditione, si nullum canonicum impedimentum ei obset.*

NOTANDVM I. Habenti beneficium ecclesiasticum, quod ad decentem sustentationem, spectatà qualitate personæ, sufficiens sit, non debet aliud conferri. Ita sumitur ex hoc c. iun. Gl. ver. sufficientem, & ex c. postulasti 27. hoc tit. Ratio est: Quia ex abundantia reddituum ecclesiastiorum sequitur clericorum luxus, vanitas, & ecclesi-

astice disciplina relaxatio; item Ministerium paucitas, & clericorum aliorum inopia; consequenter cultus diuini diminutio. Et adeò quidem in Ecclesia Christi vstatum erat, vt habenti beneficium sufficiens aliud non conferretur, vt Archiepiscopus Mediolanensis miratus hic fuerit, tale à Sede Apostolica mandatum emanasse: Neque vero Pontifex Innocent. II. admirationem reiicit; sed ait, ex literarum tenore colligi posuisse, eas obreptitias & irritas fuisse. Adde Trident. Concil. sess. 24. cap. 17. de reform. Cùm ecclesiasticus ordo pernaturatur, quando unus plurium occupat officia clericorum, sive è sacris canonibus cautum fuit, neminem debere in duabus ecclesiis conscribi. Verum quoniam multi improba cupiditatē affectu, se ipsis, NON DEVM decipientes ea que bene constituta sunt, varijs artibus eludere, & plura simul beneficia obtinere nō erubescunt, sancta Synodus debitam regendis ecclesiis disciplinam restituere cupiens, presenti decreto (quod in quibusunque personis, quo- cunque titulo, etiam si Cardinalatus honore fulgeant, mandat obseruari) statuit, vt in posterum unum tantum beneficium ecclesiasticum singulis conferatur. Quod quidem, si ad vitam eius, cui confertur, honestè sustentandam non sufficiat, liceat nihilominus aliud simplex sufficiens, dummodo utrumque personalem residentium non requiras, & eidem conferris.

NOTANDVM II. Rescripta ex Curia Romana promanantia diligenter inspici, & considerari debent, utrum stylus seu forma scribendi obseruata fuerit, utrum aliquid tacitum, seu omissum, quod necessarium erat exprimendum; Exinde enim apparebit non nunquam obreptitia esse; & quidem ipso iure irrita, nec executioni mandanda, si sint rescripta gratiae, aut beneficialia, vel dispensationes, ut dixi in c. 2. hoc tit. & habetur in c. constitutus 19. eod. & tradit hic Baldus n. 9. Fuerunt autem in his literis duo omissa, quæ necessarium, secundum Curia stylum, exprimenda erant: I. Quod impetrans aliud & quidem sufficiens beneficium haberet: Id cùm in Pontificiis literis non contineretur, conse-

consequens est, neque in supplicatione possum fuisse; adeoque obreptitiæ literas impretratas, tacito videlicet, quod si sciusset Pontifex, petitioni non annuisset, sed nec rationabiliter annuere potuisset. II. Quod impertrans rescripti clericus esset: nam & id in beneficib[us] rescriptis, secundum Rom. Curiæ consuetudinem, exprimi debet, ut ex textu colligitur, & docet Anton. n. 9. Abb. n. 2. Propterea quod laicus ecclesiastici beneficij capax non sit, c. 2. de institut. Nam beneficium est ius quoddam spirituale, quod in laicum non cadit. Videri potest Azor. tom. 2. lib. 6. c. 2. q. 5.

NO T A N D V M III. In rescripto ad beneficium conferendum, addi solet, vel, eti non addatur, intelligi debet, conditio, si persona, pro qua scribitur, ad beneficium illud idonea, ac digna sit, sive, si nullum canonicum ei obstet impedimentum, ut videre est in c. veniens 13. de renuntiis, ibi id notat Joan. Andreas num. 1. & videri potest Navarr. in c. quando except. 11. n. 1. hoc fit.

CAPITVLVM XVIII.

Causam.

P A R A P H R A S I S.

1. Pro intellectu huius c. ante omnia sciendum est, quod lib. 2. decretal. extet tit. 6. Ut l[ite] non contestata, &c. non procedatur ad testium receptionem, vel sententiam definitiūam. Id verò intelligi debet iure ordinario, & exceptis casibus extraordinariis, qui afferuntur in c. vlt. 3. porro, eod. tit. Quaresi index, controversia ad ipsum delata, in citatione peremptoria dicat, seu cominetur, se, nondum l[ite] contestata, contra reum absentem etiam processurum esse ad testes recipiendos, & sententiam definitiūam proferendam, aut si iudici delegato ea procedendi potestas committatur, tum consuetum & necessarium est, ut clausula adiungatur, quantum de iure poterimus, sicuti videlicet in c. tum ex literis 5. de integr. restit. c. cum dilecti 5. de dolo & contumacia. Est enim ea clausula

limitans, sive restringens ad casus, in quibus ita procedere de iure concessum est.

S U M M A R I U M.

1. L[ite] non contestata, non potest procedi ad testium receptionem, vel sententiam definitiūam iure ordinario, & exceptis casibus extraordinariis.
2. Rescriptum iustitiae debet intelligi, secundum ius commune, ita ut nihil ei contrarium decernat.
3. Secus est de privilegio Principis propriè dicto, & statuto particulari.
4. Si concepto falso rescripti, aut legis intellectu index processum iudiciorum instituit, rescindi debet, aut irritus declarari, in quantum in eo erratum est.

NO T A N D V M I. Rescriptum iustitiae ita interpretari conuenit, ut iuri communis congruum sit, seu nihil communis iuri contrarium decernat, tametsi necesse sit à proprietate verborum recedere, vel adiectam clausulam transponere, ut h[ic] docet Gl. in notandis, & ver. precedat. Anton. n. 5. Abb. n. 1. De cius n. 1. Gaill. lib. 1. obs. 33. n. 6. & sumitur ex hoc c. Tametsi enim, ut Anton. h[ic] animaduertit n. 6. clausula in medio posita non soleat ad omnia, sive utrumque extremum referri, tamen in casu huius rescripti respondit Innoc. III. Papa, ad utrumque referendum esse, videlicet ad probationes recipiendas, & ad definitiūam sententiam procedendum esse, quantum de iure concessum est: quandoquidem ita communis iure decretum est, à quo Princeps in rescriptis iustitiae nequaquam recedere solet. Adde, si in eiusmodi casu ordo aut constructio verborum aliter defendi non possit, præsumendum, à scriptore transpositionem, aliām mutationem factam esse, qui error veritati obesse non debet, l. errore 7. & lambiguitates 2. 4. G. de testam. & satis colligitur ex textu huius c. iun. Gl. ver. fuerat inserenda.

Cæterum alia ratio est de Principis priuilegio propriè dicto: Ad eius enim rationem pertinet, ut sit alicuius rei contra ius commune ex Principis benevolentia concessio,

N

sicut